

Skeiðarársandi, er opni hringveg um landið. Kostnaður við framkvæmd þessarar fjáröflunar greiðist af söluandvirði skuldabréfanna.

## 8. gr.

Lög þessi öðlast þegar gildi.

*Gjört í Reykjavík, 23. marz 1971.*

**Kristján Eldjárn.**

(L. S.)

*Magnús Jónsson.*

## L Ö G

um breyting á lögum nr. 89 17. des. 1966, um framleiðnisjóð  
landbúnaðarins.

FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

## 1. gr.

2. málslíður 1. málsg. 3. gr. laganna falli niður.

## 2. gr.

Aftan við 4. gr. laganna komi ný málsgrein, svo hljóðandi:

Á árunum 1972—1976 skulu greiddar úr ríkissjóði til framleiðnisjóðs kr. 50 milljónir, kr. 10 milljónir hvert ár.

## 3. gr.

Lög þessi öðlast þegar gildi.

*Gjört í Reykjavík, 24. marz 1971.*

**Kristján Eldjárn.**

(L. S.)

*Ingólfur Jónsson.*

## L Ö G

um Útflutningsmiðstöð iðnaðarins.

FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

## 1. gr.

Stofna skal Útflutningsmiðstöð iðnaðarins til að stuðla að auknum útflutningi íslenzkra iðnaðarvara. Stofnendur eru Félag íslenzkra iðnrekenda, Landssamband iðnaðarmanna, Samband íslenzkra samvinnufélaga, viðskiptaráðuneytið og iðnaðaráðuneytið fyrir hönd íslenzka ríkisins.